

奉化縣志卷之二

志地里上

地里遷變史氏謹之若文獻久闕則穿渠鑿空徒勞罔功奚尚哉奉化爲我

朝新設邑古昔沿革本無確據既約畧成書姑存其說爲可若今則疆域固有分界矣道里固有廣袤矣山川會合而形勝具人民聚集而風俗成且前事善乃後人之師近事傳卽作古之蹟此正爲政與考世者亟所當知者也

沿革

奉化縣志

卷之二 地里上

一

奉化虞爲營州夏屬冀州周在幽州之分秦界遼西漢爲新安平縣漢末步奚居之魏武北征縱兵大戰降者十餘萬衆去之松漠其後拓拔氏乘遼建牙於此當饒樂河水之南温榆河水之北唐初屬營州太宗伐高麗於此駐蹕貞觀中奚酋克都內附置饒樂郡咸通以後契丹始大奚族不敢復抗遼太祖興國舉族臣屬聖宗建爲都號中京大定府金仍大定府隸北京路元置大甯路領興中州及高州利州等九州金源龍山等七縣於時大漠南北以諸王駙馬分建焉明初悉攘諸漠北置遼海衛備之中葉元裔由漠北入漠南邊防

復棘我

朝龍興漠南內蒙古接壤滿洲臣服最先首科爾沁繼平插漢於是諸部先後來庭內蒙古分盟者六哲里穆爲東四盟之一科爾沁又爲哲里穆四部之一奉化則今科爾沁達爾罕王分藩地也嘉慶初蒙王招墾腹地人民紛然麋集先設額勒克巡檢嗣闢地日廣聚族益衆添設昌圖廳通判尋改同知道光建元於廳北梨樹城設分防照磨光緒四年昌圖升府治乃卽梨樹城改設奉化縣與懷德康平後先並隸焉

按明史洪武二十二年元遼王內附帝卽其地置三衛自

奉化縣志

卷之二 地里上

二

錦義至遼河曰泰甯自全甯抵喜峯口近宣府曰朵顏自黃泥窪至開原曰福餘統在黑龍江南爲元大甯路境考元史大甯路所領之高州利州與和衆惠和金源龍山等縣質之李兆洛輿地韻編皆在今喀喇沁左右與科爾沁部均爲內蒙古東四盟之地魏源 國朝 聖武記於元裔蒙古諸部言之特詳其言元太祖起漠北奄有函夏於漠南置大甯上郡興和等路參考諸書在元顯然當以大甯路爲斷唯奉邑地小不過大甯屬一州一縣之區然特無從指實耳再考元史地理沿革泝唐而止因據金

遼二史追溯而上至於有虞蓋軒轅氏畫井本自遼始故於宋以隔越而缺隆古猶淵源可承爰就臆見臚列備著於篇以俟博雅君子云

謹案 一統志中京大定府在今錦州府西直隸喜峯口外元大甯路也又 聖武記言蒙古召烏達一盟與

科爾沁之哲里穆同爲東四盟之一其召烏達貢道由喜峯口與 一統志合則是通爲大甯路不甚相遠矣又案

盛京通志古蹟言大定府在廣甯縣邊境而又言大甯路所屬大定龍山富庶和衆金源惠和武平七縣今多未

奉化縣志

卷之二 地里上

三

詳所在則是大定府之在廣甯亦約略言之不能實指不在邊外也再據現採訪鈔錄 盛京刑部蒙王地局成案卷存有溯其由來赫爾蘇邊門外在唐時屬東夷朝鮮邊境各等語亦與前史太宗伐高麗駐蹕於此爲遥遥相準云

論曰伊古爲政者好事紛更至疆邑疊變屢遷兵燹後再傳遂多迷茫失考爲可慨已然若興廢起墜意在便民盛世因時制宜亦不能因噎廢食 國初以 盛京根本重地風氣樸厚禁內地游民出邊意甚深遠嗣蒙王支派繁

衍 頒祿有常招民墾田以裕食采 朝廷弛禁復爲編
郡縣設官吏經理之以 篤勳戚卽以 惠元元凡
踐土食毛蓋不可不知 聖恩之高厚如此也

疆域

奉化縣在府治東北一百四十里距

盛京三百八十里至

京師一千八百里東至吉林伊通州界四十里至伊通州治二
白里西至昌圖八面城照磨分防界四十五里南至伊通州
界七十里北至懷德縣界一百一十里東南至伊通州界五

奉化縣志

卷之二 地里上

四

十里西南至昌圖府界四十里東北至懷德縣界九十里至
懷德縣治一百六十里西北至康平縣鄭家屯主簿分防界
一百二十里紆道至康平縣治三百三十里

論曰土地人民諸侯之寶然梁惠王自謂盡心而民不加
多太王走馬遷岐而從之者如市則疆域可以限地而不
可以限民之明證也爲政者盍先讀孟子七篇

山川

土嶺沙嶺
泉井並附

船山在縣治東南三十五里以如船故名今俗名團山

青石嶺在縣治東北三十里高處約二里許北走橫亘而西

至白山嘴約長二十餘里形如卧龍相傳工鑿石每具鱗甲之狀

大孤山在縣東北八十里

靠山屯山距縣東南五十里

廟台子溝山縣治正東四十里

東團山在永隆社縣治東北七十里

太平山二十五里在縣治東北

葦子山在縣治北九十里

小孤山正北距縣七十里

奉化縣志

卷之二 地里上

五

二龍山距縣治百一十里在西北

黑牛山在西北距縣百里

縣治西北九十里有蘑菇山與西太平山在焉

以上俱石山或戴石之砮而船山青石嶺較爲高大

杏兒山在縣治東五里產有杏榆等木

東太平山在縣治東北二十五里允順惠遠二社之間

紅杏山在縣東北二十里

杏山二十五里在縣城東北

泉眼嶺東北距縣六十里

老邊岡由懷德縣界蜿蜒入縣東北至小城子過龍母廟東至老壕屯長數十里高丈餘

太平嶺二十里縣治西南

以上均土嶺長十里或二三十里不等

鳳凰山在縣治東北百三十里

西團山縣治北六十里

後團山六十里亦縣正北

貓兒山在縣北八十里

寶龍山西北距縣八十里

奉化縣志

卷之二 地理上

六

以上均係沙嶺塞外風適吹旋高下無定形故俗名活山長三五里或七八里至十餘里亦修短不定云

遼河發源吉林圍場南四甲山初可濫觴紆曲二百餘里經東壁山勢漸洪濶由赫爾蘇邊門入縣境距縣治七十里北流經大榆樹三間房劉家屯雙馬架子新發堡等村爲入懷德要津過西北土龍孫六屋八屋西流至鄭家屯康平界再過小塔子新民廳界南趨入於海夏秋雨多水輒漫溢爲害沿河居民苦之

昭蘇太河源出吉林嘎達嶺八縣境東之九間房與太陽溝

河黑嘴子河合流名三岔河

又名八棵樹梁河

北流經偏臉城而西

過白山嘴四棵樹太平橋十二馬架子至昌圖小塔子入遼河凡在奉邑境長亘百餘里

條子河源始吉林上三台由下三台出邊入縣境東南四十里小紅嘴大紅嘴經八面城北八里至嘎爾甲西與昭蘇太河合流入遼河

急水河

又名積水河

距縣治四十五里源出縣境南郭家店北小城泉東北流至雙城子南入于遼

大泉眼河在縣東南卽八大泉眼之泉流也

奉化縣志

卷之二 地里上

七

車家窪子河在縣東北惠遠社

太陽溝河在縣治東

黑嘴子河在縣東瑞祥社

七家子河西北距縣三十里

井泉在縣東五里堡郭家店大路北民人王榮門前味甚甘美水由井上口墮流成渠相傳十數年前本榆樹下枯井土人穿掘下至三丈餘尚不及泉遂寢其役忽一夜有聲如雷泉竟噴湧上溢至今尤盛亦可異也

小城泉在縣東南郭家店之北

老城泉縣東北十里居民名爲老城高阜處出泉有五下注成渠寬三丈許合流六七里入昭蘇太河

小叢泉係大泉五六出縣東北八里孫家窪子南阜下流爲渠塘寬數丈五里外入昭蘇太河中一泉冬不凍俗名暖泉中叢泉凡十餘泉有暖泉三在縣西南二十五里之義合屯北三里外入條水

按地脈暢旺則泉出雖嚴寒不凍非下有硫磺礦之溫泉比也

龍井在學署大門外偏東隅味甘滑勝他處

奉化縣志

卷之二 地里上

八

形勝

奉邑乏高山巨浸無可設險阨要之處然幅員方數百餘里東駐船山北亘青石嶺西北有二龍黑牛磨菇太平諸山森然圍列而遼河一水襟羣流由東南北趨過西南復三面環繞如帶南則平坦一望無際相見乎離固儼然闢國出治之象啟北荒以爲

盛京屏蔽洵稱完善區謂之形勝誰曰不宜

風俗

奉邑地本蒙荒嘉慶初始闢而居之而雜以邊裏各州縣暨

直隸山東之民故風俗不甚純一

四民之中務農者多士次之工商多外方來者

此外無業游惰之民亦夥大抵以賭博泛蕩爲事窮極無賴則鈎結外方匪人遂相與爲盜故內地亡命每恃此爲逃遁藪宜嚴禁而安置之則可以遏亂萌不少

士勤誦讀尚質樸彬彬習禮慕庠序風其有志之士並能講求道理矢志端人爲齊民表率閒有奔競逐末或干預官事健訟爲能者人咸訾之綽有古之直道焉初非富室不讀書近則能自給之家爭習儒業故窮鄉僻壤時有弦誦聲於鄙陋之中漸著溫文之象矣

奉化縣志

卷之二 地里上

九

農力作不憚辛勞地寒歲祇一穫田雖廣而糞殖之法較疏故終歲勤動室鮮蓋藏斯爲最苦爲民牧者宜加之意焉
工近樸拙而價亦貴興作常少

商之大者爲糧店爲燒當外此專市者少兼貨他物每至數十種有上至綢緞下至蔥蒜之謠以地僻不易消售故也然得息常倍之故逐末者每于于而來

商會黨結與士類抗席交接官長非如古人抑末之道但奉省辦公每有藉資商力處夫亦有由來也

冠三加之禮未行每於行婚禮時俗謂之成人略存冠義而已

婚初兩姓議姻通媒約定姻後擇吉過小禮有納采意乃諏吉迎娶先期過大禮亦納徵之遺至期或親迎或但以輿馬鼓吹迎女歸設香案男女拜祀

天地交拜入內室親友以財物稱賀主人設酒宴樂三日夫婦祭先祖或於墓所有廟見之意乃拜翁姑及家之尊長序輩次相見以禮七八日後夫與婦同往婦家謂之回門婦家設美酒豐饍以享之至其兩親相距路遠則吉期之前從權女就婚於男富者有箱籠等事次則將妝奩等共盛一大木櫃載以大車並邀請里中健兒多人各攜兵刃相送而來否則輒遇奉化縣志

卷之二 地里上

十

盜劫此又因地制宜可以觀世變者也

初議姻時媒妁每必先議定采禮數目如銀若干兩布若干疋之類過小禮時先送一半並具豚酒以往女家備餼酌相欸隨飾女令出見乃親遞男家諸客以火烟諸客長幼咸有賜贈名曰裝烟錢至過大禮始補完采禮餘數女家若不遂意則惡聲出焉往有兩親對詈媒妁被毆之事並有有的聘女無的賣女之謠皆陋習也

喪始死尸停中寢子女服衰經家人舉哀聞訃於外三日親友來弔導喪主哭於里社之廟並望空叩拜焚楮錠名曰送路遂殮以棺七日復設奠而哭乃卜葬富紳做行家祭禮成木主親友會葬賻奠俱有儀

新喪喪主以紙錢懸於門紙數如死者之歲名曰鍋頭紙至三日則用帚繫以所懸之紙錢繞棺三匝倒退如引對

狀口呼其死者上搖錢樹遂有人扶持而行乃哭於□□
惑於讖悔之說里中游蕩子弟僞爲道士裝名領好□□
主以錢帛盛饌延請而來乃令喪主飾作馬狀投地而□
背負死者靈牌領好者遂以紙書冥司各獄名用刀斬之
謂曰破獄男女縱觀閱然
譁笑則俗陋而愚焉矣

祭先之儀於元旦清明中元十月朔歲除時行之多於墓所
或奠於家

立春日行迎春禮民間有嬉春之戲

元旦昧爽長幼咸起盛衣冠設香燭先祀

天地神祇次祀

竈神次先祖拜父母暨各尊長舉家團聚食水餃子據天津志
俗言取更

奉化縣志

卷之二 地里上

十一

新交子之義報本返始有古風焉親友互詣門拜賀遂相飲宴名

春酒

上元日號曰燈節通衢翦綵張燈施放花炬笙歌遍地有熙
登春臺之象

二月扶犁勸農民間始知稼穡之重麋集觀禮人以千計
端陽食角黍相餽遺

盛夏富商攜酒餚覓叢林飲宴歌舞以節勞逸

中秋宴樂三日以月餅瓜果相餽遺

十二月初八日以米豆棗栗雜煮食之名臘八粥二十三日

俗禮以春錫祀

竈神隨貼春聯治酒食

開荒招墾以來邑多外方之人羈棲於此播遷之餘值此
苦寒之地拮据之勞且俗風渾噩不識不知又回首故鄉
輒思歸計故因陋就簡聚族而同處一室熙皞相對有穴
居野處夜不閉戶之古風焉今則故鄉不能返矣人心日
趨於薄矣其在富紳營宅之外有圍牆以備暴客內有別房
以款賓朋漸能彬彬者有之外此仍守舊習有客至直造
寢室婦女弗避相與吸烟飲酒於其間於古人別嫌明微
之道蓋有欠缺焉此不可不思所改計也又俗人信巫蠱婦
女有病輒延大神又名義馬者祈禳之乃甘費錢帛以飽奸民
議敗俗亂常莫大於此為甚而惑之者乃費錢帛以飽奸民
殊堪痛恨經知縣錢開震出示嚴禁之事詳示中見藝文
又俗有跼跼之戲淫褻尤甚男女縱觀實為傷教亦經知
縣錢先後查拿云又民貧而俗不儉飼豕者多殘用糧食
每遇歲節大啖以肉無長少皆嗜吸烟喫酒負債累累秋

奉化縣志

卷之二 地里上

十二

獲後皆為販糶不解困集一遇凶荒輕棄其產有識者咸
謂揭竿之亂最易嘯聚而成憂民之憂所亟當思患而預
也防

論曰禹貢紀山川不紀風俗以風俗蓋未有定也上之人
導以奢則奢示之儉則儉上下感應之機或數年而一變
或累數十年而不變考風者入境而問但述一時所見而
已詎定論哉且庶矣富矣宜立學校明禮義以教之禮義
不明其何以為教乎邑之紳頗有心知其意者故拳拳懇
告今據採訪冊牒亦質實言之美善者大書善善從長之
說也陋劣者旁書歸奇象閨之義也誠不敢作好作惡為

毀爲譽意在存其長去其短用以告後之賢士大夫能移
易風俗者

古蹟

古昭蘇城在縣治北九里俗名昭蘇太王城

卽偏臉城

金太祖收

國二年五月德特貝勒額圖琿破遼兵六萬於昭蘇城疑卽
其地今城勢約八里似較小或後有改作歟

按城之南卽昭蘇太河又土人耕鑿嘗獲有斷劍折戟及
趙宋古錢之類傳聞如此容或有之姑記存疑以俟博雅
誠不敢附會竟以爲確據也

奉化縣志

卷之二 地里上

十三

花城子在縣東三十里城約四里許基趾宛然

三面城亦在縣東與花城子相近頽垣土痕尚存三面因以
爲名

縣治西十五里有古城圍約四里二門南北相望舊蹟顯然
居民依爲村落名小城子又南郭家店北亦有小城子略有
基趾

按以上各城據鄉人耆老言自昔耕鑿嘗獲有高麗各器
皿或以爲皆古高麗屯兵之所又縣東南有高麗墳地名
於理爲有之附記於此

鳳凰山在縣正東四十里未見高大而中多叢木相傳昔年有鳳鳴於此因名

仙馬泉縣東南相距三十里注流成渠父老傳言往年朝暮雲霧中時見有仙馬騰驤之狀因名焉

古營井縣西北七十里地名六十面井相傳古昔屯兵之所今尚有遺蹟在焉亦或有之

勝蹟

文泉在 學宮初鑿泮池忽雙泉湧出左右各一奇絕

見藝文

船山形如船山之首尾有二泉出儼然象舟之泊焉其形勝

奉化縣志

卷之二 地里上

十四

蓋爲一邑諸山之冠

見山川

大叢泉在縣東南二十五里俗名八大泉眼蓋地湧八泉爲最大四圍有三四十叢泉層見疊出如棋布星羅之象合流成渠迤東由小孤榆樹入條水可稱巨觀

大木龍泉在喇麻甸北有老榆大可五圍高三丈許根穴中出泉枝葉滴潤土人禱雨輒應

小木龍泉出偏臉城中崔姓地大榆盤根下出泉滃然瑩潔如小潭不枯不溢夏秋水變色或紅或白土人取以洗病目每有效洵爲奇特云

小城子北民人高克福舍後土岡上古榆一株圍丈許高三丈有奇垂蔭三畝餘盤根貼地雙丫內清泉出焉形與小木龍泉相等村人呼爲古榆泉

梨樹城在偏臉城之南本村落無城初設照磨曾建署於此傳聞以其時地多種梨因名之至今稱道弗衰僉以奉邑爲梨城云

論曰山川無取乎景固已然邑有勝蹟抑勒弗傳則又失之太鑿適以貽林壑之媿也茲特表而出之地旣靈矣自茲以往其必產人之傑也歟爲跂足望之

奉化縣志

卷之二 地里上

十五

奉化縣志卷之二終